



Broj: 11-11-416/26
Vogošća, 25.08.2026. godine

Na osnovu člana 70. Zakona o javnim nabavkama BiH ("Službeni glasnik BiH" broj: 39/14, 59/22 i 50/24), i čl. 71. i 125. Statuta Općine Vogošća ("Službene novine Kantona Sarajevo", broj: 27/14, 14/15, 9/20 i 23/24), Općinski načelnik dana 25.08.2026. godine donio je

ODLUKU
O PONIŠTENJU OTVORENOG POSTUPKA NABAVKE SREDSTAVA ZA OPREMANJE
OPĆINSKOG OPERATIVNOG CENTRA CIVILNE ZAŠTITE VOGOŠĆA SA DIJELOM SISTEMA
ZA OBAVJEŠTAVANJE GRAĐANA

Član 1.

Poništava se Otvoreni postupak nabavke sredstava za opremanje Općinskog operativnog centra civilne zaštite Vogošća sa dijelom sistema za obavješćavanje građana, broj: 11-11-416/26, jer primljena ponuda nije prihvatljiva, a u skladu sa članom 69. stav 2. tačka d) Zakona o javnim nabavkama BiH ("Službeni glasnik BiH" broj: 39/14, 59/22 i 50/24).

Član 2.

Odluka o poništenju postupka nabavke će biti objavljena na web stranici Općine Vogošća, istovremeno s upućivanjem ponuđaču koji je učestvovao u postupku javne nabavke, u skladu sa članom 70. stav 6. Zakona o javnim nabavkama BiH.

OBRAZLOŽENJE

Općinski načelnik je dana 03.07.2026. godine donio Odluku o pokretanju Otvorenog postupka nabavke sredstava za opremanje Općinskog operativnog centra civilne zaštite Vogošća sa dijelom sistema za obavješćavanje građana, zajedno sa objavljivanjem Obavješćenja o nabavci i tenderske dokumentacije na Portalu javnih nabavki BiH dana 02.04.2026. godine pod brojem: 1353-1-1-153-3-139/26.

Sažetak Obavješćenja o nabavci objavljen je u "Službenom glasniku BiH" broj: 48/26 od 10.07.2026. godine.

Tendersku dokumentaciju sa Portala javnih nabavki BiH je preuzelo 15 (petnaest) ponuđača, a ispravku Tenderske dokumentacije preuzela su 3 (tri) ponuđača.

Krajnji rok za dostavu ponuda bio je 12.08.2026. godine do 10:00 sati, te je izvršeno javno otvaranje ponuda, što je konstatovano Zapisnikom sa otvaranja ponuda od 12.08.2026. godine.

Shodno navedenom Zapisniku sa otvaranja ponuda, Komisija za javne nabavke je konstatovala da je zaprimljena jedna ponuda i to ponuđača "Shot" d.o.o. Zenica, broj int. knjige 14/26, pod brojem 440, sa ponuđenom ukupnom cijenom nabavke u iznosu od 108.540,00 KM bez uračunatog PDV-a.

Nakon izvršenog otvaranja ponuda, Komisija za javne nabavke je pristupila analizi dokumentacije priložene uz ponudu, u smislu provjere njene validnosti, s obzirom na iskazane zahtjeve ugovornog organa u Tenderskoj dokumentaciji broj: 11-11-416/26 iz jula 2026. godine, odnosno pregledu ponude u skladu sa procedurama i pravilima utvrđenim Tenderskom dokumentacijom, te Zakonom o javnim nabavkama BiH i pripadajućim podzakonskim aktima.

Uvidom u priloženu dokumentaciju i suštinskom provjerom sadržaja i validnosti iste, Komisija za javne nabavke je utvrdila da Ponuda ponuđača "Shot" d.o.o. Zenica ne ispunjava formalno-pravne uslove tražene Tenderskom dokumentacijom i to:

Tenderskom dokumentacijom u tački 7.4.1. ponuđač je dužan ispuniti sljedeće uslove tehničke i profesionalne sposobnosti:

- b) obrazovne i profesionalne kvalifikacije pružaoca usluga ili kvalifikacije njegovog rukovodećeg osoblja i naročito kvalifikaciju lica koja su odgovorna za pružanje konkretnih usluga, ponuđač mora da ima na raspolaganju- minimalno 4 (četiri) osobe, za postavljanje, montažu i instalaciju robe koja se nabavlja, a za koje se ne može zahtijevati da su zaposleni kod ponuđača. Angažovane osobe trebaju biti: 2 (dvije) osobe VSS i 2 (dvije) osobe SSS tehničkog smijera, koji posjeduju certifikate o obučenosti za instalacije sistema uzbunjivanje i obavješćavanje.

Nadalje, tačkom 7.4.2.U svrhu dokazivanja ispunjavanja uslova iz tačke 7.4.1. ponuđači su dužni u ponudi dostaviti sljedeće pismene dokaze:

- b) Spisak minimalno 4 (četiri) člana tehničkog osoblja (sa podacima o njihovoj stručnoj spremi i zanimanjima) koju sačinjava ponuđač na svom memorandumu da će u slučaju dodjele ugovora angažovati navedeno osoblje za postavljanje, montažu i instaliranje robe, a za koje se ne može zahtijevati da su zaposleni kod ponuđača.
 - Diplome (2 VSS i 2 SSS) o završenom školovanju tehničkog smjera za članove tehničkog osoblja i dokaz o radnom angažmanu.
 - Certifikate o obučenosti za instaliranje sistema za uzbunjivanje i obavješćavanje izdate od strane proizvođača ili ovlaštenog trening centra. Ukoliko se dostavljaju certifikati od ovlaštenog trening centra neophodno je dostaviti i ovlaštenje za taj trening centar izdato od strane proizvođača opreme.

Napomena I: Dokazi koji se dostavljaju moraju biti originali ili ovjerene kopije.

Napomena II: Dokazi o radnom iskustvu za sve tražene osobe mogu biti Izvod iz matične evidencije uposlenih (PIO/MIO) ili Potvrde-Uvjerenja izdata od strane poslodavca.

Napomena III: Dokazi o radnom angažmanu za sve tražene osobe mogu biti Lista osiguranih lica iz Poreske uprave-nadležne ispostave, Ugovor o djelu ili Ugovor o poslovno tehničkoj saradnji, shodno tački 7.4.1 b).

Ponuđač je u ponudi dostavio Listu osiguranih lica izdatu od Porezne ispostave Zenica, broj: 13-4/1-12-5-2565/26 J.M. od 15.05.2026. godine, na kojoj se ne nalaze dva lica za koja je dostavljen Ugovor o radu, koji su zaključeni dana 07.04.2026. godine i dana 18.06.2026. godine.

Imajući u vidu da je tenderskom dokumentacijom propisano da se kao **dokaz o radnom angažmanu mogu dostaviti Lista osiguranih lica iz Poreske uprave-nadležne ispostave, Ugovor o djelu ili Ugovor o poslovno tehničkoj saradnji**, te uzimajući u obzir da je ponuđač u Ponudi dostavio dva ugovora o radu zaključena sa licima koja se ne nalaze na dostavljenoj listi osiguranih lica, Komisija je navedne dokumente iz ponude ocijenila neprihvatljivim jer se njima ne dokazuje da je ponuđač ispunio uslove izričito tražene tenderskom dokumentacijom.

Zbog prethodno navedenog, a u skladu sa odredbom člana 2. stav I alineja 2 i člana 68. stav 4. alineja i) Zakona o javnim nabavkama BiH ("Službeni glasnik BiH", broj 39/14, 59/22 i 50/24) predmetna ponuda je neprihvatljiva jer ne ispunjava kriterije za kvalifikaciju privrednog subjekta.

Iz navedenih razloga, Komisija za javne nabavke je jednoglasno dala preporuku Općinskom načelniku da donese Odluku o poništenju Otvorenog postupka nabavke nabavke sredstava za opremanje Općinskog operativnog centra civilne zaštite Vogošća sa dijelom sistema za obavješćavanje građana, iz razloga jer primljena ponuda nije prihvatljiva, a u skladu sa članom 69. stav 2. tačka d) Zakona o javnim nabavkama BiH ("Službeni glasnik BiH" broj: 39/14, 59/22 i 50/24).

Pouka o pravnom lijeku: Ponuđač koji je učestvovao u postupku nadmetanja može radi zaštite svojih prava, u roku od deset dana od prijema Odluke o poništenju postupka nabavke izjaviti žalbu. Žalba se podnosi Uredu za razmatranje žalbi BiH putem ugovornog organa.

OPĆINSKI NAČELNIK

Migdad Hasanović

Dostavljeno:

1. "Shot" d.o.o. Zenica
2. Nadležnoj Službi
3. U dosije
4. a/a

info@shot.ba

Akt izradila: Meliha Čolpa

Akt kontrolisala po Ovlaštenju Općinskog načelnika
Rukovodilac službe: Meliha Čolpa

Akt odobrila po Ovlaštenju Općinskog načelnika
Rukovodilac službe: Meliha Čolpa

DOSTAVLJENI AKT JE ISTOVJETAN ORIGINALU KOJI SE NALAZI U SPISU PREDMETA